

嚴氏濟生方

再按

三



門七武  
第 8  
卷 3

醫  
心  
集

醫  
心  
集

醫  
心  
集

嚴氏濟生方卷之五

水腫論治

論曰水腫為病皆由真陽性少勞傷脾胃脾胃既寒積寒化水蓋脾者土也腎者水也腎能攝水脾能含水腎水不流脾舍埋塞是以上為喘呼效嗽下為足膝附腫面浮腹脹小便不利外腎或腫甚則肌肉崩潰足脛流水多致不救岐伯所謂水有膚脹鼓脹腸覃石瘕種類不一皆聚水所致夫水之始起也目眇微腫如卧蚕起之狀頸脉動喘時效陰股間寒足脛腫腹仍大為水已成以手按其腹隨手而起如裹水

之狀此其候也又有蠱脹腹滿不腫水腫面目四肢俱腫治蠱以水藥治水以蠱藥非其治也治療之法先實脾土脾實則能舍水土得其政面色純黃江河通流腎水行矣腫滿自消次溫腎水骨髓堅固氣血乃從極陰不能化水成水中焦溫和陰水泮流然後腫自消而形自盛骨肉相保巨氣乃平然此病證不可治者有五第一唇黑傷肝第二缺盆平傷心第三臍凸傷脾第四背平傷肺第五足平傷腎凡此五傷皆不可治然水病最難治特須慎於口味戒房勞諱戲若不能戒此愈而復病者多矣經曰治水之法腰

以上腫宜發汗腰以下腫宜利小便此至當之論然腫滿最慎於下當辨其陰陽陰水為病脈來沉遲而多青白不煩不渴小便澀少而清六腑多洩此陰水也則宜用以溫暖之劑如實脾散復元丹是也陽水為病脈來沉數色多黃赤或煩或渴小便赤澀大腑多閉此陽水也則宜用清平之藥如疎鑿飲子鴨頭圓是也又有年少血熱生瘡變為腫滿煩渴小便少此為熱腫素問所謂結陽者腫四肢是也實脾散治陰水先實脾土

厚朴

去皮姜製炒

白朮

木瓜

去穢

木香 不見火 草蓂仁 大腹子

附子 炮去皮臍 白茯苓 去皮 乾姜 炮各一兩

甘草 炙半兩

右咬咀每服四錢水壹盞半生姜伍片棗子壹枚煎至七分去滓溫服不拘時候

復元丹治陰水次溫腎水

附子 炮二兩 木香 煨 茴香 炒

川椒 炒出汗 獨活 去蘆 厚朴 姜製炒

橘紅 吳茱萸 炒 桂心 不見火

白朮 肉豆蔻 麩裹煨 檳榔 各半兩

澤瀉 一兩

澤瀉 一兩  
一本  
作一  
兩半

右為細末麩糊為圓如梧子大每服七拾圓紫蘇湯送下空心食前

鹽鑿飲子治水氣通身洪腫喘呼氣急煩躁多渴小便不利服熱藥不得者

澤瀉 赤小豆 炒 商陸

羌活 去蘆 大腹皮 椒目

木通 紫芩 去蘆 檳榔

茯苓皮

右等分咬咀每服棗湯水壹盞半生姜伍片煎

七分去滓溫服不拘時候

鴨頭圓治水腫面赤煩渴面目眩體悉腫腹脹喘急  
小便澀少

甜葶藶 略炒

猪苓 去皮

漢防已 已上各壹兩

右為細末綠頭鴨血為圓如梧桐子大每服柒拾  
圓用木通湯送下

麻黃甘草湯治水腫從腰以上俱腫以此湯發汗

麻黃 去根節肆兩

甘草 二兩

右咬咀每服三錢水壹盞半煮麻黃再沸內甘草  
煎至捌分取汗慎風冷有人患氣促積久不瘥遂

成水腫服之有效但此藥發寒老人虛人不可輕  
用更宜詳審

赤小豆湯治年少血氣俱熱遂生瘡疥變為腫滿或  
煩或渴小便不利

赤小豆 炒

當歸 去芦炒

商陸

澤瀉

連翹仁

赤芍藥

漢防已

木猪苓 去皮

桑白皮 炙

澤漆 以上各半兩

右咬咀每服肆錢水壹盞半生姜五片煎至捌分  
去滓溫服不拘時候熱甚者加犀角貳錢半

三仁圓治水腫喘急大小便不利

郁李仁

杏仁

炮去皮尖

薏苡仁

已上各一兩

右為細末用米糊為圓如梧桐子大每服四拾圓不拘時候米飲下

塗臍膏治水腫小便絕少

地龍

猪苓

去皮

針砂

已上各一兩

右為細末糯葱涎調成膏敷臍中約壹寸高闊緣帛束之以小便多為度日兩易

加味腎氣圓治腎虛腰重脚腫小便不利

附子

炮二兩

白茯苓

去皮

澤瀉

入下

山茱萸

取肉

山藥

炒

車前子

酒蒸

牡丹皮

去木各一兩

官桂

不見火

川牛膝

去芦酒浸

熟地黄

各半兩

右為細末煉蜜為圓如梧桐子大每服米拾圓空心米飲下

蠱毒論治

論曰經書所載蠱毒有數種閩中山間人造作之以蟲蛇之類用器皿盛貯聽其互相食啖有一物獨存者則謂之蠱取其毒於酒食中能禍於人中其毒也令人心腹絞痛如有物咬吐下血皆如爛肉若不節

治蝕人五臟即死然此病有緩有急急者倉卒十數日便死緩者延引歲月遊周腹內氣力羸憊骨節沉重發即心腹煩燥而病人所食之物亦變化為蠱軌侵食腑臟則死矣死則病流注滲著傍人遂成蠱注也欲驗之法令病人唾水沉者是蠱不沉者非蠱也或合一大豆豆脹皮脫者蠱也豆不爛脫非蠱也以鴉皮至病人臥下勿令病人知病劇者是蠱病不劇者非蠱也治療之法不可作他病治之切須審細古人以敗鼓皮燒灰米飲服方寸匕須臾自呼蠱家姓名令呼喚將去則愈凡中毒蠱生黑豆不腥白粳米

甘皆中毒也

丹砂圓治蠱毒

雄黃 別研

朱砂 別研各半兩

藜蘆 略炒

鬼臼

巴豆 去皮心油各壹分

右為細末煉蜜為圓如大豆大每服參圓空心煎乾姜湯送下當轉下惡物并蠱等當煩悶後以鴨為羹食之

雄麝散治五種蠱毒

雄黃末

麝香末 各一字

右件藥取生羊肺如指大以刀開內雄黃等末以

肺裏吞之

礬灰散治中諸物毒

晉礬

建茶各等分

右件藥為細末每服貳錢新汲水調下得吐即效未吐再服

脹滿論治

論曰脹滿者俗諺所謂膨脹是也內經問人有病且食不能暮食此為何病岐伯對曰病名曰鼓脹治之以雞矢醴一劑至二劑已治法雖詳而不論其病之所由生故切有疑焉大抵人之脾胃主於中州大腹

小腹是其候也若陽氣外強陰氣內正則藏氣得其平病何由生苟或將理失宜風寒暑濕得以外襲喜怒憂思得以內傷食飲生冷過飲寒漿擾動冲和如是陰氣當升而不升陽氣當降而不降中焦痞結必成脹滿脹滿不已變證多端或腸鳴氣走漉漉有聲或兩脇腰背痛連上下或頭痛嘔逆或胸滿不食或大小便為之不利未有不因脹滿而枝蔓焉更有五疸水氣脚氣及婦人血膨皆令人脹滿若論其脉脉浮者可治脉虛小為難治

○平肝飲子治喜怒不節肝氣不平邪乘脾胃心腹脹

滿連兩脇妨悶頭暈嘔逆脈來浮弦

防風 去芦

桂枝 不見火

枳殼 去穢 炒

赤芍藥

桔梗 去芦 剉炒

木香 不見火

人參

檳榔

當歸 去芦 酒浸

川芎

橘紅

甘州 炙各 半兩

右咬咀每服四錢水壹盞半姜伍片煎至柒分去滓溫服不拘時候

紫蘘子湯治憂思過度邪傷脾肺心腹膨脹喘促胃滿腸鳴氣走漉漉有聲大小便不利脈虛緊而澀

紫蘘子 一兩

大腹皮

草果仁

半夏

湯泡 柒次

厚朴

去皮姜 製炒

木香

不見火

橘紅

木通

白朮

枳實

去穢 炒

人參

甘草

炙各 半兩

右咬咀每服四錢水一盞半生姜伍片棗二枚煎至七分去滓溫服不拘時候

枳實湯治腹脹發熱大便秘實脈多洪數此名熱脹

枳實

去穢 炒半兩

厚朴

姜製炒 一兩

大黃

酒蒸

甘草

炙各 參錢

桂心

不見火 二錢半

右咬咀每服四錢水壹盞半生姜伍片棗二枚煎至柒分去滓溫服不拘時候嘔者加半夏壹兩

朴附湯治老人虛人中寒下虛心腹膨脹不喜飲食  
豚來浮遲而弱此名寒脹

附子 炮去皮 厚朴 姜製炒

右二味等分咬咀每服四錢水二盞姜七片棗子  
二枚煎至稠分去滓溫服不拘時候加少木香尤佳  
強中湯治脾胃不和食啖生冷過飲寒漿多致腹脹  
心下痞滿有妨食甚則腹痛

乾姜 炮去土 白朮 各壹兩 青皮 去白

橘紅 人參 附子 炮去皮臍

厚朴 姜製炒 甘草 炙各半兩 草果仁

丁香 各參兩

右咬咀每服肆錢水壹盞半生姜伍片大棗二枚  
煎至七分去滓溫服不拘時候嘔者加半復半兩  
或食麩致脹滿加蘿蔔子半兩

桂香圓治大人小兒過食雜菓腹脹氣急

肉桂 不見火壹兩 麝香 別研一錢

右為細末飯圓如菉豆大大人拾伍圓小兒柒圓  
不拘時候熟水送下未痊再服  
獨聖湯治脾胃不足過食瓜果心腹脹堅痛悶不安

鹽 伍合

右用水壹升煎消頰服自吐下即定或因食麥令人腹脹暖酒和姜汁飲一兩盃即消

○大正氣散治脾胃怯弱風寒濕氣傷動冲和心腹脹滿有妨飲食

厚朴姜製炒

藿香葉

半夏湯泡七次

橘紅

白朮各一兩

甘草炙

檳榔

桂枝不見火

枳殼去穢炒

乾姜炮各半兩

右以咀每服肆錢水壹盞半生姜伍片棗子二枚煎至柒分去滓溫服不拘時候

### 積聚論治

論曰夫積有五積聚有六聚積者生於五臟之陰氣也聚者成於六腑之陽氣也此由陰陽不和臟腑虛弱風邪搏之所以為積為聚也有如憂思喜怒之氣人之所不能無者過則傷乎五臟逆於四時傳尅不行乃留結而為五積故在肝曰肥氣在心曰伏梁在脾曰痞氣在肺曰息貫在腎曰奔豚其名不同其證亦異肥氣之狀在左脇下大如覆杯肥大而似有頭足是為肝積診其脈弦而細其色青其病兩脇下痛牽引小腹足寒轉筋男子為積疝女子為瘕聚伏梁

之狀起於臍上其大如臂上至心下猶梁之橫架於  
胃膈者是爲心積診其脉沉而芤其色赤其病腹熱  
面赤咽乾心煩甚則吐血令人食少肌瘦痞氣之狀  
留在胃脘覆大如杯痞塞不通是爲脾積診其脉浮  
大而長其色黃其病飢則減飽則見腹滿嘔泄足腫  
肉削久不愈令人四肢不收息黃之狀在右脇下覆  
大如杯喘息奔溢是爲肺積診其脉浮而毛其色白  
其病氣逆背痛少氣喜忘目瞑膚寒皮中時痛或如  
虱緣或如針刺奔豚之狀發於小腹上至心下上下  
無時有若豚走之狀是爲腎積診其脉沉而急其色

黑其病飢則見飽則減小腹裏急腰痛口乾目昏骨  
冷久不愈令人骨痿少氣又如六聚之成於六腑則  
異是矣何者六腑屬於三陽太陽利清氣陽明泄濁  
氣少陽化精氣有如都會之腑主轉輸以爲常也夫  
苟六腑失常則邪氣聚而不散始發既無根本上下  
無所留止其痛亦無常處故在上則格在下則脹傍  
攻兩脇如有杯塊易於轉動故非五積之比也凡診  
其脉駛而緊者積聚也脉浮而牢者積聚也脉橫者  
腸下有積聚也脉來小沉實者胃中有積聚也大抵  
病各有證治各有方如診心腹積聚其脉牢強急者

生虛弱急者死又諸脉實強者生沉小者死此又不可不察也

香稜圓治五積破痰癰消癥塊及冷熱積聚

木香 不見 丁香 各半 京三稜 細到酒

枳殼 去穢 蓬朮 細到每壹兩用去殼巴豆參拾粒

青皮 去白 川練子 剉炒 茴香 炒各

右為細末醋煮麩糊為圓如梧桐子大以朱砂研

極細為衣每服貳拾圓炒生姜塩湯下温酒亦得

不拘時候

妙應圓治老人虛人一切虛寒痰癖積塊攻脹疼痛

黑附子 二枚各重壹錢去皮臍剉作罐子

硃砂 參錢用水壹盞化在盆中

木香 不見火 破故紙 微炒 草撥 各壹

右將飛過硃砂末分入附子甕內却用剉出附子

末蓋口用和成白麩裹約半指厚慢煖火內煨令

黃色去麩同木香等為細末却將元裹附子熟黃

麩為末醋調煮糊為圓如菉豆大每服拾伍圓至

貳拾圓食後生姜湯送下

磨積圓治腸胃因虛氣癖於背膜之外流于季脇氣

逆息難揭日頻年醫所不治久則榮衛停凝一日敗

濁瀆為癰膿多至不救

胡椒 壹百伍拾粒 木香 不見火 錢半 全蝎 去毒 拾箇

右為細末粟米飲為圓如棗豆大每服拾伍圓橘皮湯吞下

大七氣湯治六聚狀如癥瘕隨氣上下發作有時心腹疼痛攻刺腰脇上氣窒塞喘咳滿悶小腹腫脹大小便不利或復泄瀉淋瀝無度

京三稜 蓬朮 青皮 去白 陳皮 去白 藿香葉 桔梗 去芦 剉炒 肉桂 不見火 益智仁 各一兩半 甘草 炙 參

香附子 炒去毛 一兩半

右為改阻每服伍錢水二盞煎至一盞去滓溫服食前

宿食論治

論曰難經云脾氣通於口和則知穀味矣心氣通於舌舌和則知五味矣是知穀味五味莫不經由口舌而入於胃也善攝生者謹於和調使一飲一食入於胃中隨消隨化則無滯留之患若稟受怯弱飢飽失時或過餐五味魚腥乳酪強食生冷菓菜停畜胃脘遂成宿滯輕則吞酸嘔惡胃滿噎噎或泄或利久

則積聚結為瘕瘕面黃羸瘦此皆宿滯不消而生病  
焉大率纔有停滯當量入虛實速宜剋化之不可後  
時養成沉痾也

黑圓子治中脘有宿食吞酸惡心口吐清水噫宿腐  
氣或心腹疼痛及中虛積聚飧泄赤白痢下

烏梅肉 七箇

百草霜 三分

杏仁 去皮尖別  
研三七枚

巴豆 去殼并  
油二枚

半夏 湯泡七  
次九枚

縮砂 三七  
枚

右為細末和勻用薄糊為圓如黍米大每服十五  
圓加至二十圓用熟水送下姜湯亦得更看虛實  
增損圓數或因食生冷魚膾得腐用治中湯送下

亦可

如意圓治虛中積冷氣弱有傷不能轉化心下堅痞  
兩脇脹滿心腹疼痛噫宿腐氣及霍亂吐瀉米穀不  
消久痢赤白膿血相雜久病黃瘦羸瘦及腹中一切  
食癥之疾並皆治之

枳殼 去穢

檳榔

橘紅

半夏 湯泡  
七次

蓬朮

京三稜

乾薑 炮

黃連 去鬚各  
二兩

巴豆 三七粒  
連殼用

右件除巴豆外剉如豆大用好醋煮乾去巴豆餘  
藥焙為細末薄糊為圓如棗豆大每服十圓加至

十五圓用茶清姜湯任下食後臨卧有孕婦人不  
宜服

阿魏圓治脾胃怯弱食肉食麩或食生菓停滯中焦  
不能剋化致脹腹疼痛嘔惡不食或痢或秘悉主之

阿魏 酒浸化旋之

官桂 不見火

蓬朮 炮

麥蘖 炒

神麩 炒

青皮 去白

蘿蔔 炒

白朮

乾姜 炮各半兩

百草霜 三分

巴豆 去殼油三七箇

右件十味為細末和勻用薄糊為圓如菉豆大每  
服二十圓不拘時姜湯送下麩傷用麩湯送下

生菓傷用麩香湯送下

痢疾論治

論曰今之所謂痢疾者即古方所謂滯下是也蓋嘗  
推原其故矣胃者脾之腑也為水穀之海榮衛充焉  
大腸者肺之腑也為傳導之官化物出焉夫人飲食  
起居失其宜運動勞役過其度則脾胃不充大腸虛  
弱而風冷暑濕之邪得以乘間而入故為痢疾也大  
凡傷熱則為赤傷冷則為白傷風則純下清血傷濕  
則下如豆羹汁冷熱交并則赤白兼下或飲服冷酒  
物恣情房室勞傷精血而成久毒痢者雖可因證辨

治然常嘆世之人初感此病往往更用罌粟殼石榴皮訶子肉豆蔻輩以止澀之殊不知痢疾多因飲食停滯于腸胃所由致倘不先以巴豆等劑以推其積滯逐其邪穢鮮有不致精神危困久而羸弱者余嘗鑒焉每遇此證必先導滌腸胃次正根本然後辨其風冷暑濕而爲之治法故傷熱而赤者則清之傷冷而白者則溫之傷風而純下清血者則祛逐之傷濕而下豆蘘汁冷則分利之又如冷熱交併者則溫涼以調之傷損而成久毒痢者則化毒以保衛之夫如是藥無不應而疾無不愈者矣雖然又當觀脈之虛

實如何耳如下痢脈微小者生脈浮洪者難治腸澀頻下膿血者診脈宜滑大也若弦急者必死又身寒則生身熱則死苟臨病之際由此驗治萬不失一矣黑圓子治脾胃怯弱飲食過傷留滯不化遂成痢下宜速進此藥推導更須斟酌受病淺淺增損圓數還當逐盡積滯方佳却徐徐補養之

方見宿食門中

恐此藥倉卒不能辨止用局方感應圓加少巴豆爲圓服之亦佳

四味阿膠圓治挾熱下痢其色黃煩躁多渴臍腹疼

痛小使不利

黃連 去鬚 四兩

茯苓 去皮 二兩

赤芍藥 三兩

阿膠 蛤粉炒 一兩

右為細末用醋糊為圓如梧桐子大每服五十圓空心食前用米飲送下

駐車圓治冷熱不調下痢赤白日夜無度腹痛不可忍

黃連 去鬚 六兩

阿膠 蛤粉炒

當歸 去芦洗焙 各三兩

乾姜 炮二兩

右為細末醋煮米糊為圓如梧桐子大每服五十

圓加至七十圓空心用米飲送下  
胃風湯治風冷乘虛人客腸胃水穀不化泄瀉注下  
臍腹虛滿腸鳴疔痛及腸胃受濕下如豆羹汁或下  
赤血日夜無度並宜服之

人參

白茯苓 去皮

芎藭

桂心 不見火

當歸 去骨

白芍藥

白朮

甘草

右等分咬咀每服四錢水一盞半入粟米百餘粒煎至七分去滓空心稍熱服

烏梅圓治熱留腸胃下痢純血臍腹疔痛或先經下

荆末斷服熱藥蘊毒伏熱滲成中血痢皆治之

烏梅肉 二兩 黃連 去鬚 三兩 當歸 去芦

枳殼 去穰 炒 各一兩

右為細末醋糊為圓如梧桐子大每服七十圓空心食前朱飲送下

當歸圓治冷留腸胃下痢純白腹痛不止

當歸 芍藥 附子 炮去皮臍

白朮 乾姜 炮 厚朴 姜製 炒

阿膠 蛤粉炒 各一兩 烏梅肉 二兩

右為細末醋糊為圓如梧桐子大每服五十圓空

心用朱飲送下

香茸圓治下痢危困

麝香 半錢別研 臨時入 鹿茸 燎去皮毛酥 炙一兩

右鹿茸為細末方入麝香以燈心煮棗肉為圓如梧桐子大每服五十圓空心食前用朱飲送下若每料添滴乳香半兩尤有效

茜根圓治一切毒痢及蟲注痢血下如雞肝心煩腹痛

茜根 洗 川升麻 犀角 鎊  
地榆 洗 當歸 去芦 洗 黃連 去鬚

枳殼 去穢 麩炒 白芍藥

右等分爲細末醋煮米糊爲圓如梧桐子大每服七十圓空心食前米飲送下

秘結論治

論曰素問云大腸者傳導之官變化出焉平居之人五臟之氣貴乎平順陰陽二氣貴乎不偏然後津液流通腸胃益潤則傳送如經矣攝養乖理三焦氣滯運掉不行於是乎壅結於腸胃之間遂成五秘之患夫五秘者風秘氣秘濕秘寒秘熱秘是也更存發汗利小便及婦人新產亡血走耗津液往往皆令人秘

結燥則潤之澁則滑之秘則通之寒則溫利之此一定之法也

麻仁圓治腸胃不調熱結秘澁

大麻仁 別研 如膏 川大黃 剉碎 微炒 厚朴 去皮剉 姜製炒  
赤芍藥 各二兩 杏仁 去皮尖 別研 枳實 去穢 麩炒 各一兩

右爲細末煉蜜爲圓如梧桐子大每服七十圓空心米飲送下以利爲度強羸臨時加減

枳殼圓治腸胃氣壅風盛大便秘實

皂角 一錠去黑皮 微炒 枳殼 去穢 麩炒 川大黃 二兩剉 微炒  
羌活 去聲 木香 不見火 橘紅

桑白皮 蜜水 香白芷 各二兩

右為細末煉蜜為圓如梧桐子大每服七十圓  
心米飲姜湯任下

半硫圓治年高冷秘及痔瘻冷氣

生硫黃 研細 半夏 湯浸焙

右等分和勻用生姜自然汁打麩糊為圓如梧  
子大每服五十圓空心溫酒姜湯任下

橘杏圓治氣秘老人虛弱人皆可服

橘紅 取末 杏仁 湯浸去皮尖

右二味等分和勻煉蜜為圓如梧桐子大每服七

十圓空心用米飲送下

紫蘇麻仁粥此藥順氣消大便

紫蘇子 麻子仁

右二味不拘多少研爛水瀝取汁煮粥食之

檳榔散治腸胃有濕大便秘澁

檳榔 不拘多少

右為細末每服二錢用蜜湯點服不拘時候

潤腸圓治發汗利小便便止津液大腑秘老人虛人皆  
可服

肉苁蓉 酒浸焙 沉香 別研

右爲細末用麻子仁汁打糊爲圓如梧桐子大每服七十圓空心用米飲送下

蜜兌法蜜參合入猪膽汁兩枚在內煎如飴出冷水中捍如指大長參寸許納下部立通

### 泄瀉論治

論曰素問曰春傷於風夏必飧泄邪氣留連迺爲泄此由榮衛不足腠理空疎春傷於風邪氣留連於肌肉之內後因腸胃虛怯以乘襲之遂成泄瀉又云濕勝則濡瀉寒甚爲泄暑熱乘之亦爲泄至于七情傷感藏氣不平亦致瀉泄邪氣久客腸胃則爲不禁

之患矣醫療之法寒則溫之風則散之熱則清之濕則分利之此不易之法其如飲食不節過食生冷而成泄瀉者迺由中州不運脾胃有傷也但停滯泄瀉一證直須積滯已消然後用以斷下藥今人往往便固止之蘊積於中而成痢疾者多有之其如七情傷感所致兼以調氣藥隨證下治則不失其機要矣大抵滑泄一證最忌五虛五虛者虛細皮寒少氣前後泄利飲食不入得此必死其有化者漿粥入胃泄注止則虛者活誠哉斯言也

胃風湯治腸胃不足風冷乘之水穀不化泄瀉注下

腹中虛滿及腸胃受濕下如豆汁或下瘀血日夜無度並宜服之

方載痢疾門中

加味五苓散治伏暑熱二氣及胃濕泄瀉注下或煩或渴或小便不利

赤茯苓 去反

澤瀉

木猪苓 去皮

肉桂 不見火

白朮 各一兩

車前子 生兩

右收咀每服四錢水一盞半生姜五片煎至八分去滓溫服不拘時候或進來復丹亦可

戊己圓治脾胃不足濕熱乘之泄瀉不止米穀不化

腸鳴腹痛

黃連 去鬚

吳茱萸

白芍藥 各等分

右為細末米糊為圓如梧桐子大每服五十圓空心用米飲送下

火輪圓治腸胃虛寒心腹冷痛泄瀉不止

乾姜 炮

附子 炮去皮

肉豆蔻 數暴

右等分為細末米糊為圓如梧桐子大每服五十圓空心米飲送下

白朮附子湯治腸胃虛濕腸鳴泄瀉或多自汗

白朮 二兩

附子 炮

茯苓 去皮各

右收阻每服四錢水一盞半生姜七片棗子一枚煎至七分去滓溫服不拘時候

四柱散治元臟氣虛真陽耗散兩耳常鳴臍腹冷痛頭旋目暈四肢怠倦小便滑數泄瀉不止

白茯苓 去皮 附子 炮去皮 人參

木香 不見火 各壹兩

右為細末每服三錢水一盞半生姜五片入鹽少許煎至七分食前溫服滑泄不止加肉豆蔻訶子煎名曰六柱散

禹餘糧圓治腸胃虛寒滑泄不燥

禹餘糧石 煨 赤石脂 煨 龍骨

草撥 訶子 炮去皮 乾姜 炮

肉豆蔻 炮去 附子 炮去

右等分為細末醋糊為圓如梧桐子大每服七十圓米飲送下食前

加味治中湯治脾胃不足飲食不節過食生冷腸鳴腹痛泄瀉注下

乾姜 炮 白朮 去白 青皮 去白

陳皮 去白 縮砂仁 各一兩 人參 去芦

甘草 炙各半兩

右咬咀每服四錢水 蓋下生姜九片棗子一打  
煎至七分去滓溫服不拘時候或兼進感應圓

嚴氏濟生方卷之五

嚴氏濟生方卷之六

五痔論治

論曰痔凡有五卽牡痔牝痔腸痔脈痔血痔是也素  
問曰因而飽食筋脈橫解腸辟爲痔多出飲食不節  
醉飽無時恣食肥膩久坐濕地情慾耽着久忍大便  
遂使陰陽不和關格壅塞風熱下衝乃成五痔肝門  
生如或左或右或內或外或狀如鼠竅或形似櫻桃  
或膿或血或痒或痛或軟或硬或舉或腫久而不治  
則成漏矣治之之法切不可用以毒藥亦不可輕易  
割取多致淹忽惟當用以穩重湯劑徐徐取效不可

不知

蝟皮圓治五種痔漏

猪龙足懸蹄 燒灰存性

黃牛角腮 燒灰存性

槐角子 炒 雷丸

槐花 炒 油髮灰

香白芷 當歸 去芦 酒浸

玄參 黃連 去鬚

鼈甲 醋煮各半兩 麝香 別研 半分

蝟皮 一枚 燒灰存性

貫衆

雞冠花

黃耆 去芦

枳殼 去穰 庄用

防風 去芦

右為細末米糊為圓如梧桐子大每服七十圓

至一百圓空心米飲送下年高虛弱寒濕痔疾宜服之

黃芪圓治五痔出血疼痛

楤藤子 煨用肉 半兩 川續斷 酒浸

貫衆 附子 炮去皮

刺蝟皮 燒灰 當歸 去芦 酒浸

麝香 別研 一字

黃耆 去芦

黃礬 別研

阿膠 蛤粉炒 各一兩

右為細末米糊為圓如梧桐子大每服七十圓空心米飲送下氣壯多熱之人不宜服此蝟牛膏敷痔有效

蝸牛一枚 麝香

右用小砂合子盛蝸牛以麝香摻之次早取汁塗痔處

枯礬散治五痔痒多痛少或膿或腫或漏血不止

白礬 枯半 腦子 一字

右二味為末先用魚腥草煎湯放溫洗痔次用藥少許摻患處

腸風藏毒論治

論曰夫腸風藏毒下血者皆由飽食過度房室勞損坐臥當風恣餐生冷或啖炙燻或飲酒過度或榮衛

氣虛風邪冷氣進襲臟腑因熱乘之使血性流散積熱壅遏血滲腸間故大便下血血清而色鮮者腸風也濁而色黯者藏毒也肛門射如血線者蟲蛀也又有陽氣不升血隨氣降而下血者下虛也下血之脈脈多洪大而芤益弦者勞也芤者下血也治療之法風則散之熱則清之寒則溫之虛則補之治法合宜無不效者矣  
加減四物湯治腸風下血不止

側柏葉 生地黃 當歸 荊芥穗  
川芎 枳殼 炒 各一兩

槐花 炒

甘州 炙各半兩

右咬咀每服四錢水一盞半生姜三片烏梅少許煎至七分去滓溫服空心食前

蒜連圓治藏毒下血

鷹爪黃連 去鬚不拘多少

右為細末用獨頭蒜一顆煨香熟研和入白杵熟圓如梧桐子大每服三四十圓空心陳米飲送下

香梅圓治腸風藏毒

烏梅 同核燒灰存性

香白芷 不見火 百藥煎 燒灰存性

右等分為末米糊為圓如梧桐子大每服七十圓

空心用米飲送下

蝟皮圓治蟲痔下血

方見痔疾門

斷紅圓治陽虛藏府久而腸風痔疾下血不止或所下大多面色痿黃日漸羸瘦

側柏葉 微炒 川續斷 酒浸

鹿茸 燎去毛醋煮

附子 炮去皮臍 黃芪 去芦

阿膠 剉蛤粉炒成珠子

當歸 去芦酒浸各一兩 白礬 枯半兩

右為細末醋煮米糊為圓如梧桐子大每服七十圓空心食前用米飲送下

一兩

癰疽論治

論曰夫發背癰疽者諸方載之備矣夫癰疽本乎一證然受病之所與外證頗有異焉蓋癰者六腑不稅之所生疽者五藏不調之所致六腑主表其氣淺故癰皮薄而腫高五臟主裏其氣深故疽皮厚而腫堅多由喜怒憂思飢飽勞逸或服丹石或餐炙燔酒麪溫床厚被盡力房室或外因風熱風濕所傷遂使陰陽蘊結榮衛爲之壅滯陽滯於陰則生癰陰滯於陽則生疽凡此二毒發無定處當以脉別之諸浮數之脉應當發熱而反洒淅惡寒若有痛處乃發癰也脉

數發熱而疼者發於陽也脉不數不發熱而疼者發於陰也不疼尤是惡證且癰疽初生如黍粟粒許大或痒或痛其狀至微此實奇患惟宜速療速療之法初覺之時並宜灼艾痛則灸至痒痒則灸至痛自然毒氣隨火而散也若不早治譽痛滋蔓結成癰疽却當詳其虛實分其冷熱寒則溫之熱則清之虛則補之實則瀉之導以針石灼以艾炷治法合宜未有不全濟者也然癰疽證有安危此又不可不別古人所謂五善七惡是也煩躁時嗽腹痛渴甚或泄痢無度或小便如淋一惡也膿血大泄腫痛尤甚膿色敗臭

痛不可近二惡也喘急氣短恍惚嗜臥三惡也目視不正黑睛緊小白睛青瞳子上青者四惡也肩項不復四肢沉重五惡也不能下食服藥則嘔食不知味六惡也聲嘶色脫唇鼻青赤面目四肢浮腫七惡也動息自寧食飲知味一善也便利調勻二善也膿潰腫消色鮮不臭三善也神彩精明語聲清朗四善也體氣和平五善也若五善見三則差七惡見四則必危五善併至則善無以加也七惡併臻則惡之劇矣診其脉弦洪相搏外急內熱欲發癰疽脉來細沈時直者身有癰腫肺肝俱數即發癰疽四肢沉重肺脉

大即死凡癰疽脉洪大者難治脉微澁者易愈近世醫大夫乃北人有藥方一宗甚寶秘之持以獻趙龍學繼而用種得之屢試屢效謾載于後以為治備之要醫論治法秘云金人大定間有遇異人傳狗寶圓得之者以獻之偽主其後醫乃事偽朝以外科奉御療將士金瘡有功金主以其本賜焉醫治療凡癰疽下漏惡瘡皆先以狗寶圓為第一義先投狗寶圓半時次投熱葱粥以助之厚被蓋覆病者使汗出周浹則毒勢隨汗而解若汗不出則不可療矣汗罷則瘡之陷者必起散者必聚次以烏龍膏傳其腫若腫之外

有赤暈者則以解毒散傳之凡傳藥必先自外向裏塗之看正瘡大小凡正瘡之上並不許加分毫藥每日隨證服五香連翹湯十奇散菘豆粉等藥大率以狗寶圓爲先以烏龍膏解毒散次之而服餌之藥則隨脈氣陰陽虛實而用之空心必服加減八味圓以助元氣俟瘡潰以針決去敗膿訖然後以乳香膏傳正瘡之上若尚有未盡膿則於膏華當中直剪一路以通膿水膿欲盡以生肌散敷瘡口仍以乳香膏覆之更不須剪破膏藥乳香膏一日一換俟瘡口欲合卽更不換膏藥矣烏龍膏之功在於消腫解毒散之

功在於收暈暈收卽不須用解毒散而烏龍膏直俟瘡潰敗膿出盡然後已此其大略也

愁云諸瘡莫急於丁瘡有魚眼丁多發於足非神手不能治也大凡治丁瘡先以披頭針當頭刺之直至患者不知痛處纔引針而出血隨其流則以瘡酥追毒丹納之針孔中仍以紙捻送下使近痛處其上封以乳香膏四傍腫處敷之烏龍膏或有赤暈敷以解毒並如前法三兩日瘡潰拔去仍覆以乳香膏膿盡生肌並如前法

瘡云疽之證甚惡多有陷下透骨者服狗寶圓瘡四

邊必起，依前法用烏龍膏解毒散訖，須用針刀開瘡孔，其內已潰爛不復知痛，乃納追毒丹於孔中，以速其潰。既潰後，割去死肌，洗以猪蹄湯，敷以生肌散，覆以乳香膏。若證之善者，自然腫起紅活，乃即如前法。嵇云：癰之根脚淺而濶，儻治之遲，則有潰爛肌肉之患。若久而不合，則多爲漏瘡。治癰已具于前。嵇云：漏瘡當探其深淺，渠在北地時，有一人患漏瘡於脇間，嵇以榆皮細枝刮去皮，取線以綿裹其尖，以線牢繫之，以榆皮探瘡中，瘡之穴乃自脇而達於腰，在皮膚之間，嵇遂於病者腰間以針決破，用追毒丹

參粒納於瘡中，三日即潰，而脇間之漏遂止，則膿悉自腰間針孔中出膿盡，生肌遂愈。其服狗寶圓敷烏龍膏乳香膏生肌散並如前法。

嵇云：治魚眼丁之法，先以針刺之不痛，則瘡根已走矣。用療漏瘡之法，以榆皮隨愈穴所在探之，榆之所能及之處，則針破引榆皮而出，再自針穴尋之。若針破處病人知痛血出，則是活肌肉矣。即於針瘡納蟾酥丹，覆以乳香膏，再於正瘡上針孔中，納蟾酥丹參貳粒，仍覆以乳香膏，則其丁瘡之根即回元所潰而愈。

秘云澄江治一婦人漏瘡此婦人先於小腹下成一  
漏瘡久又於背脊腰下成一瘡嵒以榆枝自背探之  
乃直達於腹前之漏瘡嵒兩用追毒丹乳香膏烏龍  
膏而愈

嵒云有絲瘡證乃丁瘡之類醫若不識無治法害人  
最速其瘡生手足間有黃泡其中或紫黑危卽有  
條紅絲迤邐向上而生若至心腹則使昏亂不救其  
紅絲或有生兩三條者治法以針橫截紅絲所至之  
處刺之止使血出以膏藥傅之更不復發動卽愈矣  
此證得於喜怒不節血氣逆行而生

內翰洪舜俞以惡瘡生上脘久不治嵒云此名內疔  
瘡初發如蓮花痔根蒂小而下垂及大治法以勾刀  
決斷其根燒鐵器令七八分赤烙之以止血次以雄  
黃輕粉粉霜香白芷白欵爲散敷其上令病人側臥  
以槐枝作枕支其牙頰間毋使口合一兩時許瘡癢  
定令病者自便治日得膿便漸治之愈若此證久不  
治卽四邊肉漸成死肌法用槐枝枕支起病者牙毋  
使得合以小鎌去其惡肉令盡卽撒生肌散上仍用  
乳香膏護之自非飲食時且令病者側臥支其牙頰  
毋使合口則津液不衝動瘡藥三日後肌肉漸生纔

可令病人自便無所疑矣洪內翰云此證緣醫家不識則無治法以至不救良可惜也此證得之薄勞氣血虛憊所致

狗寶圓專治癰疽發背附骨疽諸般惡瘡

狗寶 一兩生用癰狗腹中得之 蟾酥 二錢 乳香 別研

沒藥 別研 雄黃 礶砂

輕粉 麝香 鉛白霜

粉霜 已上別研各一錢 金頭蜈蚣 七箇頭尾脚足

烏金石 即石炭袁州萍鄉縣有之二錢重 鯉魚膽 七箇乾者用之

去皮臘月者尤佳 狗膽 一箇乾者用之去皮黑狗者臘月者好

頭首孩兒乳 一合

黃蠟 三錢

右先將頭首兒乳黃蠟放在銚內文武火化開用前藥末和成劑放在瓷器內要用旋圓如麻子大兩圓如病大參圓用白丁香七箇直者為妙以新汲水化開送下狗寶圓腰以下病食前服腰以上食後服如人行三里用熱葱白粥投之即以衣被蓋定汗出為度已後只喫瓜齏白粥常服十奇散留頭四邊以烏龍膏貼之

烏龍膏治一切腫毒癰疽收赤鼻

木鼈子 去殼 半夏 各一兩 小粉 四兩

草烏 半兩

右於鐵銚內慢火炒令轉焦為細末出火毒再細以冷水調傅一日一換

解毒散去熱腫及赤暈

寒水石 二兩

龍骨 半兩

黃連 去鬚

黃栢 各一兩

輕粉 一分

右為細末和雞子清調以雞羽掃瘡上若是熱加黃丹半兩

乳香膏

木鼈子 去殼細剉

當歸 各一兩

柳枝 貳八寸剉之

右同以麻油四兩慢火煎令黑龜次用

乳香

沒藥 各半兩

白膠香

明淨者四兩共研細入油煎化用綿濾之

右再事治之煉藥鐵銚令極淨再頭前藥油蠟在內候溫入黃丹一兩半以兩柳枝攪極得所再上火煎不住手攪候油沸起住攪直待注在水中成珠不散為度秋冬欲軟春夏欲堅頃在水盆中出火毒搜成劑狀之

追毒丹治疽瘡黑陷者先用狗寶圓治次以烏龍膏攪腫散毒去赤暈乃用針刀開瘡納追毒丹使之潰

然後去敗肉排膿隨證治之癰疽疔瘡附骨疽並皆治之

巴豆 七粒去皮心不  
去油研如泥 白丁香 一分

雄黃 黃丹 各二錢 輕粉 一分

加蟾酥尤神速

右件研和加白麩三錢滴水為圓如麥狀針破瘡  
納之上覆以乳香膏追出膿血毒物漏瘡四壁死  
肌不去不可治亦以此法追毒去死肌乃養肉使  
愈矣疾少者用一粒大者加粒數用之

生肌散

寒水石 二錢 黃丹 半錢 龍骨 七錢

輕粉 一錢

右乾敷上貼以乳香膏

此膏藥治軟癰及惡瘡風濕所搏渾身疼痛

瀝青 白膠香 各二兩 黃蠟 三錢

右同於銚內煎化量用麻油三錢許煎濾於水盆  
中揉成劑次之每用於水內捻作餅子隨瘡大小  
貼之上傳以紙此藥加當歸一兩於內煎令黃透  
濾去滓於水盆內取出藥揉成劑再加乳香末各  
貳錢和為乳香膏尤佳其加青黛者即名青金膏

其加黃丹者即名紫金膏皆貨藥者誑人之術其功用一而已矣

十奇散一名十宜散治癰疽化毒未成速散已成者速潰

苦桔梗去芦 川當歸去芦酒浸 肉桂去鹿皮不見火

厚朴去皮姜汁製 人參 防風去芦

芎藭 白芷不見火 甘草生用

黃耆去芦洗淨寸截槌令扁冷鹽水潤透蒸焙

右十味各精選藥材曬乾焙至淨方稱人參當歸黃耆各二兩餘藥各一兩除桂別研羅外一處為細末入和桂令勻每服自三錢加至五錢六錢無

灰熱酒調下日夜各數服以多為妙服至瘡口合更服為佳所以補前損杜後患也不飲酒人濃煎木香湯下然不若酒力之勝或飲酒不多不能勉強以木香湯兼酒調下功效當不減於酒五香連翹湯治疽作二日後宜以此湯與漏蘆湯相間連日服之

桑寄生無真者寧缺之 木香不見火 連翹仁

沉香銚不見火 黃耆去芦生用 升麻

木通 射干 川獨活去芦各三兩

丁香揀不見火 乳香別研 大黃剉炒

甘草 生各半兩

麝香 別研一分半

右為龜末和勻每服四大錢水一盞煎至八分去滓溫服不拘時候

內托散

豆粉 一兩

乳香 別研半兩

右為末和勻熟水調服一方煎生甘草湯調下必許時時細呷之要藥常在膈間凡有痘疾宜首先多服此藥一日連進十數服三日內可免變證使毒氣出外服之稍遲毒氣攻衝藏府漸作嘔吐後來多致咽喉口舌生瘡黑爛生菌名曰心氣絕

飲食藥餌無由可進如瘡發三五日之後此藥但可間服當別用藥以治療揚氏家藏方言有人因鼻衄初愈不曾表汗餘毒在經絡背發大疽自肩下連腰脇腫甚其堅如石龜極紫黑醫以涼藥傳乏中夜大嘔乃連進此藥參四服嘔遂止既而瘡潰出赤水淋漓四十日而愈又有患癩癰者痛過輒嘔服此藥嘔亦止近見有人病疽醫者不肯用此藥恐傷脾胃愚故引揚氏之言以解世人之惑

肺癰論治

論曰夫肺癰者由風寒之氣內舍於肺其氣結聚所

成也蓋肺為五藏之華蓋其位象天候於皮毛氣之所主將理失宜勞傷氣血風寒得以乘之蓋寒則生熱風極亦生熱壅積不散遂成肺癰矣肺癰之狀口脈數而實欬而胸內滿隱隱痛兩脚腫滿咽乾口燥煩悶多渴時出濁唾腥臭久久吐膿狀如粳米粥者難治有膿而嘔者不可治嘔膿而止者自愈凡病肺癰脈來短濇者順浮大者死其色當白而多赤者亦死

桔梗湯治肺癰心胸氣壅欬嗽膿血心神煩悶咽乾多渴兩脚腫滿小便赤黃大便多澀

桔梗 去芦

貝母 去心

當歸 去芦 酒浸

瓜蒌子

枳殼 去穰 麩炒

薏苡仁 炒

桑白皮 蜜水炙

防己 各一兩

甘草節 生用

杏仁 去皮尖 麩炒

百合 蒸各半兩

黃耆 去芦 兩半

右以咀每服四錢水一盞半生薑五片煎至八分去滓溫服不拘時候若大便秘者加大黃小便秘者加木通

葶藶散治肺癰喘欬氣急眠臥不得

甜葶藶 二兩半 隔紙 炒令紫色

右為細末每服二錢水一中盞煎至六分溫服不

狗時候

排膿散治肺癰得吐膿後宜以此藥排膿補肺

綿黃耆去芦二兩生用

右為細末每服二錢木一中盞煎至六分溫服不

狗時候

丁腫論治

論曰素問云夫上古聖人之教下也虛邪賊風避之  
以時人之有庄攝養為先將理失宜百疾由是生焉  
故四時迭更陰陽交變此二氣互相擊怒必成暴氣  
所謂暴氣者卒然大風大霧大寒大熱若不避而遇

之襲於皮膚入於四體傳注經脈遂使腠理壅隔榮  
衛結滯陰陽二氣不得宣通遂成癰疽丁毒惡瘡諸  
腫之患養生之士須早識此方凡是瘡瘍無所逃矣  
但丁腫有十三種一曰麻子丁二曰石丁三曰雄丁  
四曰雌丁五曰火丁六曰爛丁七曰三十六丁八曰  
蛇眼丁九曰鹽膚丁十曰水洗丁十一曰刀鎌丁十  
二曰浮瀉丁十三曰牛狗丁大率瘡之初起必先痒  
而後痛先寒而後熱熱定則多寒四肢沉重頭痛心  
驚眼花見火甚者嘔逆嘔逆者多難治其麻子丁一  
種始末皆痒不得犯觸犯觸者即難療衆丁之中惟

三十六丁可畏其狀頭黑浮起形如黑豆四畔大赤  
龜今日生一明日生二三日生三乃至十若滿三十  
六藥所不治未滿三十六可治俗名黑胞忌嗔怒蓄  
積愁恨如浮瀰丁牛狗丁二種無所禁忌縱不瘥亦  
不能殺入其狀與諸丁同何以知其觸犯脊強瘡痛  
極甚不可忍者是犯之狀也依方療之萬無失一矣  
二黃散

雄黃

雌黃 等分

右二味爲末先用針刺四圍及中心醋和塗之  
蒼耳散

蒼耳根莖苗子但取一龜燒爲灰

右爲末醋泔淀和如泥塗上乾卽拔振出神驗

蟾酥丹

蟾酥 一枚

右爲末以白麩和黃丹搜作劑圓如麥顆狀針破  
患處以一粒內之神妙

灸法治了腫灸掌後橫紋五指男左女右七壯卽  
瘡已用得效了腫灸法雖多然此一法甚驗出於  
意表也

瘡疥論治

論曰夫瘡疥之爲病雖苦不害人然而至難可者多矣素問云諸痛痒瘡皆屬於心多由心氣鬱滯或飲食不節毒蘊於腸胃發見於皮膚古方有所謂馬疥水疥乾疥濕疥種類不一生於手足乃至遍體或痒或痛或癢或腫或皮肉隱癢或孤之凸起或痞癩或膿水浸淫治之內則當理心血祛散風熱外則加以敷洗理無不愈

當歸飲子治心血凝滯內蘊風熱發見皮膚遍身瘡疥或腫或痒或膿水浸淫或發赤疹瘡癩

當歸 去芦

白芍藥

川芎

生地黄

洗

白蒺藜

炒去尖

防風

去芦

荆芥穗

各一兩

何首烏

黃耆

去芦

甘草

炙各半兩

右改咀每服四錢水一盞半姜五片煎至八分去

滓溫服不拘時候

神異膏治一切瘡疥

全蠍

七箇去毒

皂角

一錠剉碎

巴豆

七粒去殼

蛇床末

三錢

麻油

一兩

黃蠟

半兩

輕粉

半字

雄黃

別研三錢

右先用皂角全蠍巴豆煎油變色去二三味入黃

蠟化開取出冷處入雄黃蛇床子末輕粉和勻成膏  
先用苦參湯溫洗却以藥擦瘡疥上神效

苦參湯

苦參

蛇床子

白礬

荆芥穗 各等分

右四味煎湯放溫洗

竹茹膏治黃疱熱瘡

真麻油 二兩

青木香 半兩

青竹茹 一小團

杏仁 二七粒  
去皮尖

右用藥入麻油內慢火煎令杏仁色黃去滓入松  
脂末半兩熬成膏子每用少許擦瘡上

癬論治

論曰夫癬之為病種狀不同古方有所謂乾癬濕癬  
風癬苔癬之類癰疹如錢漸漸枝蔓或痒或痛或圓  
或斜其中生虫搔之有汁此由風濕毒氣與血氣相  
搏凝滯而為此疾也

胡粉散治一切癬神效

胡粉 一分

砒 半分

大草烏 一箇  
生用

蝎梢 七枚

雄黃 別研 一分

硫黃 別研 一分

斑猫 一枚

麝香 少許

右八味為細末先用羊蹄根蘸醋擦動次用藥少

許擦患處

癭瘤論治

論曰夫癭瘤者多由喜怒不節憂思過度而成斯疾  
焉大抵人之氣血循環一身常欲無滯留之患調攝  
失宜氣凝血滯為癭為瘤癭者多結於頸項之間瘤  
者隨氣凝結於皮肉之中忽然腫起狀如梅李子久  
則滋長鑿經所謂癭有五種瘤有六證五癭者石癭  
肉癭筋癭血癭氣癭是也六瘤者骨瘤脂瘤膿瘤血  
瘤石瘤肉瘤是也治療之法五癭不可決破破則膿  
血崩潰多致夭枉六瘤者脂瘤可破去脂粉則愈石

五證亦不可輕易決潰慎之慎之

破結散治石癭氣癭筋癭血癭肉癭等證

海藻

龍膽

海蛤

通草

昆布

礬石

松蘿

麥麩

半夏

貝母

去心二分

右為細末酒服方寸匕且參忌甘草鯽魚猪肉五

辛生菜諸雜等物

南星膏治皮膚頭面生瘤大者如拳小者如粟或軟  
或硬不疼不痛無藥可療不可輒有針灸

庄南星 大者一枚 去土薄切

右細研稠粘如膏滴好醋五七滴如無生者以乾者為末投醋研如膏先將小針刺病處令氣透以藥膏攤紙上象癰大小貼覺痒三五易瘥

昆布圓治一切癭瘤不問久新

昆布 一兩 洗

海藻 一兩 洗

小麥 兩好 醋煮乾

右三味為細末煉蜜為圓如杏核大每服一圓食後陰嚥

瘰癧論治

論曰夫瘰癧之病即九漏是也古方所載名狀不一

難以詳述及其生也多結於項腋之間累累大小無定發作寒熱膿水潰漏其根在臟腑益肝主狼漏胃主鼠漏大腸主蠅蛄漏脾主蜂漏肺主蚘蝼漏心主蟻蠶漏膽主浮蛆漏腎主瘰癧漏小腸主轉脉漏原其所因多因寒暑不調或由飲食乖節遂致血氣壅結而成也巢氏所載決其生死及其日以視之其中有一赤脉從上下貫瞳子見一赤脉一歲死見一赤脉半一歲半死見二赤脉二歲死見二赤脉半二歲半死見三赤脉三歲死赤脉不下貫瞳子可治三因云有是說驗之必有是證理宜然也平時有一二治法用之已驗謾

錄于后

皂子圓治癰癧滿項不破及結核腫痛者

好皂角子 一升 玄參

連翹仁 各一兩

右用水五升，砂鍋內慢火煎水盡，為度。每服揀取好皂角子軟者三粒，食後臨臥時細嚼津下。硬者搗爛，蜜和如榛子，大含化，半月必差。忌酒麪熱毒物。

三聖圓治癩癧

丁香 五十箇

班貓 十箇

麝香 一錢 別研

右細末用溫豉五十粒湯浸如泥劑，前藥令勻圓。

如菘豆大，每服五七圓，食前溫酒送下，日進三服。如至五七日外覺小便淋瀝，是藥之効，便加服。或便下如青筋膜之狀，是病之根也。忌濕麪魚肉一切動風物。

連翹圓治癰癧結核破或未破者

薄芎 二斤製取 好皂角 一錠水浸去

已上二味一處銀石器內熬成膏

青皮 一兩不 連翹 半兩

陳皮 一兩不 去白

皂角子 慢火炮去皮取皂子 仁搗羅為末一兩半

黑牽牛 一兩半 生半炒

右五味為末用前膏子為圓如梧桐子大，每服三

十圓煎連翹湯送下食後十日見効

嚴氏濟生方卷之六



